

بالجمله محرمات در سعادت پوسته خانه سته
تصوف جریده سی نامه کوندلملیدر.
قوتلو نومروسى ۱۴۳

شرائط اشترا

سنه لکى ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

تصوف

صاحب امتیاز و سر محرری
اورفه مبعوثی

شیخ صفوت

مرکز توزیمی باب عالی حاده سنده
جمعیت کتبخانه سیدر

نسخه سی ۲۰ پاره در

التصوف کله آداب : ابوحنفص عمر بن مسلمه

عرفای امتک مقالات عارفانه لر بنه تصوفک تحفیله لری آچیقدر

تصوفه متعلق مباحث شتادن باحث و مکارم اخلاق اسلامیتک تعمیمنه خادم مجله مغنویه در

جهاد اکبر

این کلاه بی سرانست ای سر کرسی ناتونه انبازی بسر
شریعت غرای اسلامیه نك قوانین جلیله اخلاقیه سته
توفیق حرکتله نفس اماره نك تزکیه سی اغورنده بذل
اجتهاده لسان اقدس نیویده جهاد اکبر اطلاق بیورلش
وسیر و سلوکک ملحمه کبر انده ثبات و تحمل جناب مولانا
قدس سره الاعلا حضرت تارنیک بالادکی بیت والاری موجبله
طریق عشق و محبتده باشتی ، جانی و بتون وارلقی فدا
ایدن قهرمانلرک خصائص عالیه سندن بولمشدر . بویوک
مرتبه در دایما بیوک فدا کارلقلره متوقعدر بونلری آنجق
حقیقه مرد اولانلر ایضا ایده بیلیر .

نشستی چون زنان در کوی ادبار
نمیداری ز جهل خویشستن عار
دلبران جهان آغشته در خون
توسر پوشیده نهی پای بیرون

بوجاهدات مردانه و عزم قوی دلبرانده حصه مند اعتبار
اوله بیلیمک ایچون بومقاله مزده جهاد اکبرک بر نمونه سنی
یازمق املندمز . بر حسن انتخاب اولق اوزره عالم ربانی امام
عبد الوهاب شعرانی حضرتلری تحدیث نعمت و وسیله
رحمت و هدایت اولق اوزره سراپا روز نامه حیسانی ،

مجاهدات و مقاماتی قلعه آلهرق اخوان و اخلافة یادکار
ایلدیگی (لطائف المتن) نام کتاب مستطابندن اوائل
احوال وسیر و سلوکنه عائد اولان سرگذشتی بالاختصار
اخوان طریقته نظرگاه اعتبار بنه تقدیم ایدبورز : مشارالیه
حضرتلری بیورورکه :

بلطفه تعالی علوم شرعیه ده بحر ایلدیکم صره ده هنوز
بر مرشد کامله انسابم اولمدینی حالد علم ایله عمل ایتک
قابله الهام بیورلش ایدی . ساف صالحین : موانعک
تقدائیل صفای وجدانی سایه سنده مرشد محتاج اولمق سیر
سیر و سلوک ایدم بیارلر ایدی . لکن بوزماندره علائقک
کثرت و شدتی خود بخود طریق التبهده جهاد و اجتهدی
متعذر بر حاله کتیرمشدر . ایسته بوحکمت و علته بنسأه
بعض علمسای شریعت بر مرشد کامله اقتدا و انتسابک
و جوبنه قائل اولمشار و حتی بر مرید صادق کندی مملکتنده
بر مرشد کامل بولامازسه بومقصد اغورنده بلاد سائریه
شدر حل ایتسی واجب اولور بیورمشدر .

بر شیخه انسابم اولمدینی حالد و قوعبولان مجاهدانه
کانه جهر ساله قشیری و عوارف المعارف و قوت القلوب و احیاء
العلوم کی کتب معتبره صوفیه نك مطالعه سیله فهم و ادراکه
کوره عمل ایدر و بالا آخره بونک خلافتده دیگر برادر اک
ظهوری اوزر بنه اولکنی ترک ایله ایکنیجسته باشلار

ایدم . بیلمدیکی برسوقاغه کیرود ده چقماسز اولدیننی
آکلادقدن صوکره کیرود دون و دیگر برسوقاغه کیرن
آدمه بکزرمد . ایسته طریقت علیده برسوخه انتساب
ایتمکسزین سیر وسلوکه چالیشانلرک حالی بویهلد . شیخ
فانده سی مرید ایچون طریقی اختصار ایتمکدن عبارتدر .
شیخی اولیان مرید عمری اولدقجه اجتہاد ایتسه مقصودینه
واصل اولاماز زیرا مرشد کامل قارائن کیجهرده قافله
حجایی کاروانسرای سلامته ایصال ایدن دلیل کیدر .

بر شیخ اشارتی اولمقسزین جمله مجاهداتدن اولمق
اوزره خلوتخانه مک طاوانه طاقش اولدین بر اچی کیجهرلی
بوغازمه کچیریراید . تابصباح سنه لرجه بحال اوزره دوام
ایلدیم . حد اولسون بی مجاهداتدن آلیقویه حق بر علاقه
دنیوییم یوق ایدی . اساساً قاعستکارلم اهل دنیایه
قارشو بی ذلندن محافظه ایدیوردی . بیک لیرا ودھا زیاده
اولهراق و بردکاری پاره نی قبول ایتمزاید . اطعمه لذیذنی
توک ایدرک بلاسیاره لر ایچنده یشایوردیم . هر طرف بنم
ایچون بر تنکنا ی تحمل فرسایدی . هر کسدن نفرت ایدیوردیم
هر کسده بشدن متفر ایدی . مساجد مهجوره و ابراج
قدیمه متروکده اقامت ایدر و اوچکوند بر آنجق ایکی
اوج لقمه اتمک ایله افطار ایلریم . بصورتله بشریت زبون
اولدقجه روحانیم قوتلشدی . حتی بوسایده دروننده اقامت
ایلدیک جامع عمری نام مسجد شریفک حولیسنده بولان
دیکی طاشک اوزرینه کیجهرلی هر کس اوچقوده ایکن
همت روحانییه ایله هوادن صعود ایدرک اوطوریریم .
روحانیمک غلبه سی سببیه زردبانلردن آشانی ایترکن یک
چوق زحمت چکردیم . زیرا انسانی جاذبه ارضیه داتره سنده
بولدیران بجانت : کثرت شهواتک قناتیدر . ذکر وتلاوت
زمانلرنده حاصل اولان تمایل و اهتزازک ده حکمتی بودر
تهججات روحیه داتما حضرت ربوبیته متوجه بولسان
اشتیاقک اثریدر .

بولدن صوکره یک و ایچمک خصوصارنده صوکره
درجه ورع وتقوایه اهتمام ایلدیم . درجه اضطرابه کلکجه
برشی ییزدم . یکر می درت ساعت داتما عبادتله مشغول

اولوردم . اده صره اویقوغبله ایدنجه مغلوب اولماق ایچون
وجودی قیرباج ایله نخیسده ایدر و بعض کره ده قش
کیجهرلی البسه ایله صغوق صولرک ایچنه کیرر ایدم . بونلر
هپ قواعد شرعییه مستنددر . از جمله ایکی مفسدنک تعارضی
حالنده اخفک ارتکابی واجب اولور بر محب التبتک
کیجه نک قارائن آراسنده جسمک تألیه برابر حضور
اقدس ربانیده بولمسی هر حالده جسمک سختیله برابر
مستغرق خواب غفلت اولمندن اولادر . عینک مقامی
باشقه . ظاهر پرست اولان منکرینکده مقامی باشقه در .


(ولکل مقام رجال) مجاهدات مذکورہ نتیجه سنده اهل
طریق ایله اجتماع ایدرک آنره انقیاد ایتک قلبه الهام
ایلمش ایدی . بناء علیه یک چوق اهل تمکین و سادات
کملین ایله اجتماع ایلدیم ایهده فوحت ربانیه آنجق شیخ
علی مرصنی و شیخ محمد شنای و شیخ علی خواص
حضراتک واسطه لرله حاصل اولمش و اهل طریق آراسنده
متعارف اولان فطام معوی شیخ علی خواص حضرتلرینک
ید مؤبدلری اوزره وقوع بولمشر . بو ذوات معالی سمات
ایله شرفیاب ملاقات اولزدن اول انسان ایچون بر مرشد
کاملک لزومی تقدر ایتسهرک بنده دیکر لری کچی المزده
بولسان علوم ظاهره کافیدر دیر ایدم حقیقت حالک بویه
اولمديغنی آنجق مشار الهم ایله ملاقات ایلدکدن صوکره
آکلايه بیلدم بوخصوصده ابو حمزه بغدادینک کالات
معنویه سنک امام احمد بن حنبل حضرتلری طرفدن تصدیق
و اعتراف و جنید بغدادی به قارشو امام احمد بن سرج
حضرتلرینک تسلیم و انصافی برر دلیل کافیدر .

شیخ علی خواص حضرتلرینک ارشادات علیه سبیه
مجاهداتک بدایتده بوتون کتابلر می صاتهرق اتماننی
فقرا و محتاجیه تصدیق ایلکی امر ایتمش ایدی . بونلر
غایت نفیس و دکرلی کتابلر ایدی امرلرینه امثال ایلدیم .
لکن اولجه بو کتابلرک جعنده غایت یورولمش و اکثرینک
اوزرینه قیود و حواشی یازمش اولدینمندن کوکلده اودرجه
بر ایلیشک پیدا ایتش ایدی که عادتا علمک سلب اولندینمه
ذاهب اولیوردم . حضرت شیخ ایسه اذکار التبتیه ایله

بوالیشکک ازاله سنی امرایدیوردی. حمد اولسون بوسایده او التفات نفسانیدن ده رهایاب اولدم. بوندن صوکره عزانی امرایتدیله. بناء علیه عزله چالشدیغم ائشاده هر کسدن فرار ایتمک و کندی آنلردن دها خیرلی کورمک باشلادم. شو صورتله حاصل اولان رؤیتک دخی ازاله سنی امرایتدیله. بمجاهده نتیجه سنده ایسه اردل ناسک بندن دها خیرلی اولدیغنی کور یوردم بومقامه کلاجه ناسایله اختلاط ایدهدرک اذا و جفالیله صبر و تحمل ایتمک اوزره فرمان بیورمشلر ایدی. بوخصوصده دخی مجاهدات شاقه نتیجه سنده ناسک افضل اولدیغنی کورمکده ایدم. ینه مشارالیهک امرایله بورؤیتکده ازاله سنه موفق اولدم بوندن صوکره ینه ارشاد ودلاتلری سایه سنده سرأ و علناً اذکار آلله ایله اشتغال اید یوردم. بوسره ده مطلقاً هر درلو شهواتک اکندن منع بیورمشلر ایدی. بوسبیله ایله روحانیتده بویوک رقت بولیوردم. همت ایله هوایه صعود ایده بیلهلک بر حاله ایدم علوم تقاییه ایله غلوم غیبیه ازدحامه باشلاشم ایدی. بونک اوزرینه علومک ادله شرعی سنه مطاع اوله بیلیمک اوزره جناب کبریایه توجه ایله امر ایتمش ایدی ادله شرعییه مطیع اولدیغم ائشاده علوم تقیه سرابا لوحه فکر و خیالمدن سیتلشم و علوم و هییه ترادف ایتمک باشلاشم ایدی. بوفوحات معنویهک مبدائی نیل ساحلده (بیوت البراره) دنیلان محله داخل سنده ایدی. محل مذکورده ایاقده بولندیغم حالدیه پیشگاه بصیرتمده بردنبره علوم و هییه قابولری آچلمش و هر قابونک وسعتی آسمان وزمینک آراسنده منصور اولان فسادن دها واسع بولنمش ایدی. قرآن وحدیثک معایسی اوزرینه تکلم ایدر و علوم عالیه و آلمهک احکام و قواعدخی استنباط ایلر ایدم. آرتق بنم ایچون مؤلفینک آثارینه حاجت قالمش ایدی. بوعلوم و هییه دن یوز جزؤ قدر قلعه آلهرق حضرت شیخه تقدیم ایلدم مشار الیه حضرتلری :

بوالیشکک ازاله سنی امرایدیوردی. حمد اولسون بوسایده او التفات نفسانیدن ده رهایاب اولدم. بوندن صوکره عزانی امرایتدیله. بناء علیه عزله چالشدیغم ائشاده هر کسدن فرار ایتمک و کندی آنلردن دها خیرلی کورمک باشلادم. شو صورتله حاصل اولان رؤیتک دخی ازاله سنی امرایتدیله. بمجاهده نتیجه سنده ایسه اردل ناسک بندن دها خیرلی اولدیغنی کور یوردم بومقامه کلاجه ناسایله اختلاط ایدهدرک اذا و جفالیله صبر و تحمل ایتمک اوزره فرمان بیورمشلر ایدی. بوخصوصده دخی مجاهدات شاقه نتیجه سنده ناسک افضل اولدیغنی کورمکده ایدم. ینه مشارالیهک امرایله بورؤیتکده ازاله سنه موفق اولدم بوندن صوکره ینه ارشاد ودلاتلری سایه سنده سرأ و علناً اذکار آلله ایله اشتغال اید یوردم. بوسره ده مطلقاً هر درلو شهواتک اکندن منع بیورمشلر ایدی. بوسبیله ایله روحانیتده بویوک رقت بولیوردم. همت ایله هوایه صعود ایده بیلهلک بر حاله ایدم علوم تقاییه ایله غلوم غیبیه ازدحامه باشلاشم ایدی. بونک اوزرینه علومک ادله شرعی سنه مطاع اوله بیلیمک اوزره جناب کبریایه توجه ایله امر ایتمش ایدی ادله شرعییه مطیع اولدیغم ائشاده علوم تقیه سرابا لوحه فکر و خیالمدن سیتلشم و علوم و هییه ترادف ایتمک باشلاشم ایدی. بوفوحات معنویهک مبدائی نیل ساحلده (بیوت البراره) دنیلان محله داخل سنده ایدی. محل مذکورده ایاقده بولندیغم حالدیه پیشگاه بصیرتمده بردنبره علوم و هییه قابولری آچلمش و هر قابونک وسعتی آسمان وزمینک آراسنده منصور اولان فسادن دها واسع بولنمش ایدی. قرآن وحدیثک معایسی اوزرینه تکلم ایدر و علوم عالیه و آلمهک احکام و قواعدخی استنباط ایلر ایدم. آرتق بنم ایچون مؤلفینک آثارینه حاجت قالمش ایدی. بوعلوم و هییه دن یوز جزؤ قدر قلعه آلهرق حضرت شیخه تقدیم ایلدم مشار الیه حضرتلری :

بونلر هنوز فکرک آثارلیله قاریشیقدر علوم و هییه خالصه شوائب فکریه دن کلیاً آزاده در. بونلری صو ایله بیقا ! تصفیة قلب ایله شوائب فکریه دن کلیاً رهایاب اولمق



تراجم احوال صوفیه

ارباب ابصار واصحاب اعتبار ایچون علمای عاملین و عرفای کاملینک تراجم احوال علیهلری محسنات جزیه* معنویهی مستلزم اولاجنی جهتهلر تصوفک بو قسم مهمی دخی فهرست مندرجاتزده تعیین ایدلمش ایدی. بوکره فاضل شهر حیدری زاده ابراهیم افندی حضرتلری طرفندن عارف بالله ربانی شیخ عبدالرحمن طالبانی حضرتلرینک مناقب سینهلری غایت عارفانه بر اسلوب بلیغانه ایله تنظیم و اهدا بیورلمش اولدیغندن تراجم احوال صوفیه قسمته نیمنا و تبرکاً بواتر قیمتمدارک درجیله ابتدار ایدلمشدر .

محتویات عالییهی اعتباریله بر کلزار معرفت اطلاقه سزاوار اولان جریده فریده لرینه (تراجم احوال عرفا) سرلوحه سیله بر صحیفه نک دهاعلاوه سنی تعقیب بیورمقده اولدیغکزلی مسلك لطیف تحریره نظرأ مقرر بیلدیکم و بوکاده آداب طریقت اقتضاسنجه الک اول منسوسی بولدیغکز ساسله جلایه نک پیردستگیری شیخ عبدالرحمن طالبانی حضرتلرینک مزیات مجله سیله بداء و مباشرتی بر امر طبعی عید ایلدیکم جهتهلر اولا مشار الیه حضرتلرینک روحانیت مقدسه لرندن وایه مند فیوضات اولمق و ثانیاً ذات رشادتپناهیلر نجهده بر هدیه فاخره مقامنده تلقی بیورلمق املی او مرشد اعظمه متعلق سامعه زیب اخلاص اولان بعض معلوماتک بوجه زیر عرضه بادی اولمشدر .